

養
默
山
房
詩
藁

養默山房詩藁卷八

松滋 謝元淮 默卿

丁丑

述哀

啞啞枝上鳥哀鳴非苦飢恩情切反哺中道傷乖離
嗟我父母恩隱念摧肝脾涓埃未及報忽焉與世辭
永懷舉魚慟載興蓼莪悲仰視天夢夢此生復何依

二

往昔壬戌歲辭家從父遊乘舟下吳越走馬入燕幽

縱觀極南北慷慨氣爲邇仰慕賢豪貴爰作祿養謀
我父舍我去徒步歸林邱我母日夕望倚閭增繁憂
不才世所棄兩載空淹留

三

浮萍無定根飄蕩須托水車輪無定途輾轉終依軌
遊子寄他鄉乃心懸閭里我昔滯吳下卑官曾未恥
獨念高堂親晨昏缺甘旨流宕不歸來有生慙葛藟

四

邊儲資轉餉行役赴牂牁五月道公安舍騎暫還家
夜半扣荆扉舉室歡相譁阿母臥亦起勞我勤風沙

汝父昨日去迎汝驅兩駒汝何未之遇母乃道中差
吾病苦懨纏今夕覺小嘉悲我將速去憐我遇坎軻
問答天欲曙月落參橫斜

五

烏西蟾蟠東于役忘近遠秋風吹葛寒行子忽已返
雙親久相盼一見憂心遣是冬兄亦歸園聚傷晚晚
吁嗟父母心海水何深淺海水深復深愁殺朝露泣

六

滔滔江上水泛泛水中船送我東南去既去何時還
延陵吳北境丞尉衆所廉薄俸安足稱況乃迎養艱

亦有蘭陵酒封鮓垂清巖白雲不可望空陟岵屺嶺

七

美遊不如歸薄宦不如農九月辭吳郡還家已仲冬
藝禾南山下其上種以松松長禾亦熟澗水流淙淙
持作雙親飯愉悦生慈躬庭闈有至樂何事逐旋蓬

八

東鄰有老翁八十猶精爽雖復多子孫未間資孝養
昨暮負薪歸今晨荷鋤往汲汲何所營長思田園廣
西日墮夕光吾心爲悵惘

九

西鄰有孤兒衣褐行苦悲失恃在襁褓鞠育慈母懷
十三就外傅十四心猶孩十五學干祿十六遊京師
趨起鮮所遇飄零仍歸來衣食賴慈母終夜秉杼機
謂言後當貴奉養自有時何知霜露早護草凋以萎
萬古暝長夜無從報春暉

十

一月不再朔昨日成古時念我高堂親昔昔減容輝
及茲勤奉侍隙駒難重回豈不思祿養重與親庭違
往聞負米賢百里常來歸

十一

五載躬稼穡中心懷喜懼常恐愛日忧無補桑榆暮
況當遠別離迢迢江南路其日鳥亂啼庭草晞朝露
上堂拜阿母淚下不能住送我出門前皂莢垂綠樹
欲語愁不祥吞聲行屢顧汝出與父偕子心復何慮
願汝前程吉及早相迎去骨肉苟終完富貴非所慕

十二

骨肉惜乖違江海限離別哀哉古聖人乃爲造舟筏
吳楚豈不遠片帆忽飛越阿父雖同行痛與慈親訣
就日欣在晨匪夕恆思月安得雙板輿白華詠芳潔

十三

老鳳將孤雛聯翩至吳越孤雛棲枳棘鳳乃還
秋風生早涼河水流嗚咽父衰子賤貧慘惻難爲別
一上鳳凰橋瞻望吳城闕欲言意苦紛舟子催速發
解纜風正吹船尾出復沒遙見白髮人我揮蒲箋
傷哉父子恩千古此決絕

十四

江漢足波濶客子懷艱虞首春翔候雁喜得鄂城書
上言舟檝速破浪追驚鳴流覽風物異九月歸田廬
下言慈母病腹疾傷河魚珍養代藥餌沈疴今已祛
沈疴豈真祛盡室方紛挈欲安遊子意謬語甘自誣

十五

白日慘清輝庭柯下飛鵬靈椿一夕殞終古傷勞獨
孟秋朔五日天氣尙炎毒綿惙當茲辰彌留屢屬復
孽子未得歸遠隔胥江曲骨肉一乖違悲歡異歌哭
痛定疑非眞素書宛在目九原不可從嘔血徒立鵠

十六

熙朝溥仁孝贊子蒙哀矜奈何刀筆吏文法巧相繩
望雲歸未得血淚已成冰歸期旣屢易企望傷慈親
忽忽歲云暮恩恩辭吳闌悠悠溯江漢迢迢悲前津
望望來時路杳杳蹤跡陳滔滔此江水寂寂獨傷神

十七

皇帝十一載歲在丙寅春阿父念我單趨裝來白門
白門多楊柳依依垂江津入城日方中出城天已昏
帆檣列千艇號呼如不聞孤身逆旅拒野曠風紛紛
攀條上高柳葉底聊冥蹲荒雞聞遠唱初日扶桑暾
下視纜船處乃在茲樹根金陵悲再渡遙望涕沾巾
歷歷傷心樹何樹棲吾親朔風亂鳴條夜色慘連村

十八

驚流無恬波歸鳥無倦翮暮冬去吳闐冉冉春風易
郢都前在望虎渡日已夕雨雪何紛紛路入前村自

夜深泥淖堅履險愁顛踏凍月露青林松竹起寒色
扣扉鳥驚啼入門燈慘碧生死兩經年天地成否塞
誰知喘生餘重此遭艱厄

十九

齧指心知痛齧桃李並僵喬木旣傾折萱草隨凋傷
初秋及冬仲一歲罹兩喪雙棺峙左右號泣哀中堂
生兒不送死莫如生早殤躡躅嘶高厚萬古悲茫茫

二十

寒女機中布羔羊海上皮念母身羸弱成此禦冬衣
嚴父傷旣沒奉養獨慈帷奈何孤雲散飄風復相吹

聞母當大漸日夜望我歸淚枯目長炯重門洞雙扉
見影苦追問冀是游子回母死兒不聞兒歸母不知
黃泉有去日此恨無已時

二十一

嗟予少薄祜褊祿恆多疾一聞日者言累母終夜泣
道我壽命慳生年斬六百歲世已罕遙遙遑自恤
生子甫能啼已爲憂家室如何恣遠遊生死永相隔
落落鄉里親轉賴扶持力有子莫如無徒使憂心棘

二十二

瓜瓢戀其子子不戀瓜瓢流傳自古諺物性足感傷

昔我謀遠出慈母淚縱橫多病成衰老去日若朝霜
殘年畏離別觸念已惶惶待我歸泉後恣汝遨四方
於時迫嚴命將母竟不遑遺言空在耳日月同潛光
憂來不可輟慘惄摧中腸

二十三

古以藏爲葬墓地屬家人景純源青烏形氣始葬經
木流重禍福紛紛亂人聽蟻泉患苟免何計賤與貧
溪西有佳壤二里渡河濱隆然起平野兩山高嶙峋
曲澗匯衆流灣環遠彌親龜蓍旣咸吉兆域符天星
星術何足貴貴用安先靈

二十四

匍匐歸何及痛哭惟撫棺一朝卽窀穸萬古長漫漫
炎蒸鬱首夏宵月向晨圓雙轎渡溪水嗚咽悲幽泉
親串走會葬負土營荒阡南山豈不固有時淪爲淵
獨有父母恩耿耿傷終天

二十五

生死道雖殊野處同孤寂何以慰親靈結廬廬墓側
暑雨暗昏林荒月淒野色熒熒哀思殷漠漠泉路黑
願得精誠通母使傷幽闕

二十六

莽莽北邙山衰草萋又綠哀哀泉下人荒墳聽轔牧
吾親昔來過懸之傷遊目心知百年後不免兒孫哭
死亡誰不有所悲惜願速感彼蟋蟀吟韶華何局促

二十七

兄弟爲手足骨肉同一身長條鱗交讓荆樹遂乖分
歸來守故宅掩淚潛悲辛隱隱虛堂上遺形彷彿存
馳情憶夙昔苦語畏童聞孤箭易爲折一肢難獨溫
卻憐衝浦雁寥寥惜其羣

二十八

神仙皆有死玉棺召王喬上古諸仙人聞者今寥寥

况我非金石草木同枯凋生旣無所補死亦輕鴻毛
獨念鞠育恩展轉不能消精衛志填海豈憚木石勞
哀蟬自鳴秋焉知秋風高苦心何足惜遺響悲蕭條

二十九

躡躅復躡躅步入西山喂驚禽散四野大壑悲風來
極望窮遠目浮雲霧不開舉首叫天闇莽蒼飛塵埃
悠悠不可報莫挽流光隕

程子山過明道先生講學處

嶙峋石徑遠躋攀草色遙憐翠一灣每對清風懷洛
下嘗聞喬木美牛山舊名犀牛山古木陰翳後遭斫
伐齊襄滿山近因禁觀又復青

翠可觀矣。南來大道渾難繼。東去噴波竟不還。咫尺晦翁遺躅在。千秋名重兩峯閒。文公山在西南數里外朱考亭講學處也

雙鰐將子行

薰風吹陂陂水清。雙鰐將子陂中行。大者寸餘小者寸。穿波細尾何鱗鱗。顧盼雄雌各有意。相將愛護衝青蘋。嘔嘔田閒蛙。有目常如憲。鯢鯢初在藻。往往遭吞嗜。物類相殘何足云。鰨兮鰨兮知所備。村北老叟陂邊來。舉頭見鰐顏爲開。以鉤貫蛙蛙轉怒。持竿釣水相追隨。一鰐昂然忿一鰨。冥然猜小魚奔竄逃生急。雙鰐浮沒重徘徊。救子情深偶一唼。竿頭跋刺張。

髻鯰一誤再誤空波渺母旣遭烹子焉保無依自合
餌窮魚漫汎何堪逢涸沼薄暮老叟攜魚歸揮刀作
膾膾羹肥呼婦共酌兒分杯焉知戀子枯魚哀嗚呼
焉知戀子枯魚哀

重九日登雲臺山

嶺巖蒼翠聳晴空山勢南來此最雄高嶺看雲疑在
下小溪流水盡歸東燒香曲唱重嚮外蒲博聲喧一
夜中山嶺廟祀真武每歲九日湖南北燒香者萬餘人前一夕四鄉博徒聚此縱賭獨我棲
遲懷寂寞枉教籬菊綻西風

曇曨曉日露華侵絕頂人來祇樹林撲地朝烟迷望

眼漫山落葉亂秋心蘭凋澧浦無遺佩雁去衡陽有
遠音逝墓漸荒松柏冷嶺頭空悵白雲深

盤谷山祖墓在山前

戊寅

訪田淮川秀才

用霖

歸後卻寄

有媯承虞祀敬仲育齊姜十世和錫命七國威始王
公族旣繁衍子弟咸稱強巴駢逞辨固文單奮戎行
富民一悟漢魏博世藩唐奕世仰閥閱代作邦家光
淮川今時彥襟抱慨以慷慨冠富文史芹擷泮水香
壯心紹遠烈脫屣輕名場兄弟四五人一一瑩珪璋
紀諶皆絕俗白眉稱最良謙客屢投轄排紛時解囊

聲名播閭里義氣凌風霜嗟我勞塵蠪浮蹤徧殊方
廿載思魏闕十年寄金闈卑官衆所鄙繫繁驥難騰驥
往歲值屯邅風木潛悲傷夢罹椿護隕重廢蓼莪草
此身應喪屈何事復彷徨春風二三月桃李齊芬芳
翠鋪麥隴秀金散菜花黃有客相過問鈴轡聲鏘鏘
徐正懷佩琳兩姻丈道君才磊落偕我升君堂君家方高會朋
好集冠裳投刺通郭泰倒易來中郎下榻因徐穉授
簡推謝莊意趣微契合形迹遂相忘高談畱信宿豪
飲飛千觴令子眞雛鳳振采鳴朝陽九苞行豐滿萬
仞足翱翔奈何戢健翮轉欲隨鷺鷀玉樹森瓊階蒹

薩歎蒼蒼固知君意厚撫躬增恐惶時俗競聲利貴
賤分否臧憐錢癖同祖爲我道師楊古誼君獨敦隕
波力爲障寬怨僅僕謹沖謙禮節詳耶寧差自勝澹
遠臻義皇傾蓋已心醉况復詬言長我久遨江海落
拓呼楚狂遊俠慕燕趙風土懷荆襄頻年靡定所客
路成故鄉故鄉多英賢晉接轉未遑疎昧求他山和
璧遺道傍伊昨承清度翻然眷梓桑會心那在遠吟
嘯卽濠梁蓬蓬千蕭艾不若一簣筭飛飛彷榆鶩焉
暗阿閣鳳人生貴知已金石同堅剛相朋崇令德濯

縷詠滄浪

詠懷二十首

編次千字文

子房帝者師攝履佐沛公滅秦復定楚畫策出帷中
信布皆建國邑辭萬戶封寵祿誠匪慕乃願從赤松
鳥盡獸宰烹謙退克有終

古皇恭登禪玉牒銘岱嶽呂政肆荒行刻碣茂厥惡
魚載祀豫斬璧奏氣蚤索嫡嗣鑒恬軍斯高矯攸作
慮疏殆天亡事幾毛髮若

孝武好神仙露盤雲表摩少君旣誅靡野之傳青鸞
侈力馳廣漠漢業竟如何晚蓋躬善改疲弊亦已多
商飄染落葉寂寥傷秋歌

文叔營八極南陽慶龍興更始眞庸才焉足隸伯升
體翦來疑懼驥途駒超騰逐叛壹亩合再造歡黎烝
莽愚遵周禮幹璣方坐矜

巨禍惻桓靈熟思求直尺陳寔弔張讓羣賢陰受益
慈明贊御李顧俊算法則虛聲啟罪羅收捕旁引逼
異哉投止人逸命甘累德

嵇康務養生曠率鍾會辱問答兩蒙誚翳芥機深伏
調絃對短景臨市悲琴曲雅談適招刑辨給甯爲禍
二阮耽竹林詠嘯隨流俗

東家弗效嚙孰以別西施麗容動世主豈謂微賤時

璇宮讌丙夜紈綺稱妍姿翠輦陪殿陛威屬榮金枝
取婦端在貌育女抗男兒

戎士催環甲沙場誠遼兵諸將盜富貴黃衣獲被身
及其自推立誰見賊火驚驢背聞顛笑宇內治維新
寡弱易凌制惶聽白雁鳴

敦煌卽酒郡頓帳勒勒川鹹池阜塞外遊牧員渠閒
飛矢操鉅黍射的洞無堅長纓致名王接轂遼連縣
遐績秉廟訓圖象史筆懸

委仕丁泰運化日曜湯余章切谷承祐拜宣鹹帶組釋
荷服簡用陟卿尹伊傳功並續守已是臣廉充位謹

獨淑百年戚凋謝邙墳踐羊犧

結交規任俠友密猶弟兄浮觴煥華燭設筵次階楹
輕唱和寶瑟侍妻吹銀笙抽劍磨崑石舉手搖星精
淑駕指并趙徘徊寓我情

嘉賓集令節門庭滿冠裳解紛最英發果敢宜熟腸
瞻彼丹岫近嚴寒正雨霜扶牀眠安宅分席使潛藏
薄仁而弁義必也惠與莊

鶗鴂振羽儀回翔去絳霄寥空淡冥杳奄上悅逍遙
駭禽下感頽資糧號九皋博禾切 磬絲畏靡執驅爵處
卑條靜居親物性寸心增鬱陶

貞桐知歲閏幸草鞠朝暉紫柰拱珠映枇杷似丸垂
散木絮千尋惟貽漆闌譏蘭父緣據路棠愛存口碑
植根重得地毀譽因之移

羌月照藍田素霸

普赫切

澄淵朗扇暑清修廊持杯要

伊消切

翫賞樂音耳俯盼涼色目眺仰默步轉洪鈞晦

虧切寐想沈河沿垣宿樓亭意孤往

韓困飢懷飯平肥夙膳糠夏禹常昃食孔聖不舍蘪
筍菜佳可飫過奉恐非當大官益羔特別列珍庶飧嘗
勞薪能勿省故車念頗忘

日起欣吉辰冬紡每競夕勤歌煩形骸溫飽本緣稿

馨潔通祇敬伐鼓云祭穆靈稅納城府父母總饌恩
約束歲後昆庶平勸所職

涇渭難同倫虞號實相比利器假左右濟助姑恃此
基土欲離垢於茲具元理四海殊州縣厯迹量遠邇
巖阿睦舊盟鱗躍鈞漢水

觀藝詩言志歸美嘗忠良輔采貢京闕民隱審察詳
杜老慎工巧矩律領盛唐習寫竭洛紙遺字成典章
入堂優魏晉威鳳竦梧岡

篤學宗孟軻達道賴讀書橫經聚槐晝且曰糟魄餘
牋論黜固說永稽羲農初傾囊積墨妙巾箱等五都

壁光匡衡藉面牆恥陋夫

一柱觀

縣東二十里

邱湖形勝地古觀創臨川

劉宋臨川王義慶在鎮時
於羅公洲立觀甚大而惟

一柱故名洲
在邱家湖中

世已千春隔名猶一柱傳暗泉通峽水

平野散朝煙久欲攜遊屐今來且繫船

飛仙觀

傑觀臨虞渡飛仙蹟素譜

宋理宗淳祐二年道士趙
以清自蜀來楚隨鶴卜地

時吉國公孟忠襄爲京湖制置大使建牙松

滋鵝止其園遂捨以建觀親書額曰飛仙道人惟

以鶴制使恰無庵

史稱忠襄邃於易學兼通佛理自號無庵居士

業滄桑閱舊龕

元順帝至正六年里人郭福佑重修迄於國初傾圮先曾祖於康熙五

十八年復建三清正殿又
施田歲葺近因水漲低溼又復荒涼矣

百年幾興廢

鐘鼓聽溪南

養默山房詩藁卷九

松滋 謝元淮 默卿

守默集

下

戊寅

述祖德詩二百韻

河流溯星宿若木繁靈枝本源信深遠性義隆厥基

嗟我陳郡裔遐徵繩皇羲炎帝秉火德誕生姜水濶

謝出於姜任姓十族別

謝章薛舒呂祝終泉畢堯庭
神農後也任姓十國皆任姓所分

四岳咨

唐虞時失夏商際失國三邑營周宣時入代之縣

謝式南邦

周宣王封申伯於此族氏之本也

盡楚同諸姬狂秦并六

合白晝冥無暉羸鹿爭劉項海水駭羣飛獨阻武陵

桃同採商山芝

秦漢之際有名宏者與四皓同隱商山

徵拔第五卓牋

奏孟堅奇

由宏公至夷吾公凡十二世漢明帝時第五倫令班固爲疏以薦累官至太傅

爲鉅鹿郡柴車標清儀

夷吾公任鉅鹿太守時行春乘柴車從兩吏篤慶

擲世運卜居首會稽

夷吾公家於會稽山陰爲大宗始祖繡衣榮柱史

二世祖琨漢永元中御史中丞

良牧濟鴻才

三世祖居貞冀州刺史

業門第尊烏衣

四世祖兆吳赤烏中官中牟令徙居建業烏衣巷爲江東始祖

郎將

民曹彥

五世祖雋六世祖纘俱官典農中郎將

學省天下師

七世祖衡晉國子監

祭酒太少傅

自從建武來

勳業續前徽

八世祖哀晉吏部尚書兄颯封咸寧亭

侯謚司空登三事

九世叔祖石晉司空封南康郡公

謚襄永嘉馳五驛

康

司空登三事

九世叔祖石晉司空封南康郡公

謚襄永嘉馳五驛

九世叔祖鐵

九世叔祖萬

淮南邁通

淮南太守

安西固疆陲

晉永嘉太守

晉淮南太守

安西固疆陲

九世伯祖奕

九世叔祖安

晉太傅

晉安西將軍

東山盛絲竹

封廬陵郡公

謚文靖北府

揚旌旗

十世叔祖元

跋扈折逆臣

投鞭翦強氐

無醜羽驪

項渺凡璣

或秉東陽節

九世祖據十世祖

或假宣城麾

十世叔祖允

韶俱晉東陽太守

騎長詞賦衆咸推

或蠻遊山屐

十二世叔

或夢春草史

池十二世叔

或運入關策

十二世叔靈運

祖惠連

或閒中庭籬豫章

求出守安城始分支

十二世祖瞻宋豫章太

守家江西爲安成始祖

牙璋鎮

軍容十二世伯祖絢

宋鎮軍

南宮總綱維十二世叔

門侍郎十三世

祖遡宋將軍

祖爵宋黃

祖麟中書侍郎

金吾廩齊禁

十五世祖仕會齊

中郎

宣唐威

十九世祖鳳唐

守令才濟濟

二十三世祖世
貞觀中中郎將

傑唐

上元中武

岡令

二十五世祖德昭唐

貞元中長安令

司戶印繢

二十六世祖慎言唐慶元中武昌太守

纍

二十八世祖君賢唐司戶三十

宋興策佐命解柄

傾金杯

三十三世叔祖與義宋初

封金吾上將軍贈陳國公

一株肇辛里七英

聯萼輝

三十四世祖蕙宋仁宗慶歷中擢徐州通

判爲辛里始祖子七愛宜望晟載勝壽蔓

引離本根散處江東西閥閱昌奕世餘烈喜重恢

三十五世祖望三十六世祖模俱鄉舉三十七世祖和甫

元豐中官大使三十八世祖公信三十九世祖伯成

文章鳴世四十世祖君用

中原起戰爭泥馬屢南馳

孝宗淳熙中大理評事

端揆資輔弼

南渡後宗族甚盛深甫甯宗朝拜右丞

渠伯魏王孫奕封郡王曾孫堂尚榮郡公主方

叔理宗淳熙中拜左丞相兼樞密使

封惠國公宣訓

仇宮闈

渠伯女道清爲理宗皇后

文節昭忠義

坊得江西招諭使知信州後盡節閩

忠

寺

西臺涕漣而

期宋逸民

經略佐百粵

四十世祖德卿理宗時授廣西經

略

參

仙掖煥瀛奎

四十二世祖士可翰林學士爲西謝始祖

悠悠蘭江水

建宁元平江

香草雜荃蘿興滅平江宦石竹記紅崖

四十四世祖

建寧元平江

始祖以紅崖石竹爲記今猶存

吳

西委廉訪

四十五世祖奠

成元

江西肅政廉訪使

勒功授都督平蠻

元帥餘杭賴臥治

社明初杭州

人伯祖汝弼

南京提督副使

爲華容始祖

小港濬蛟溪

叔祖汝元青陂

府

兄弟皆人豪杞梓稱良材

濛波渟夢澤

四十七世祖兄弟四

人伯祖汝弼

榆重澧浦

叔祖汝器澧州

謝家塔祖喬木遷松滋

四十七世祖汝

自禮遷松滋居金

羊山爲松滋始祖

雲間歌來暮

四十八世祖銳永

樂中松江府同知

外畱去思

四十九世祖茂號松亭宏
治中四川新甯縣知縣

有子十二人

一
吹壠篋

松亭公子十二珊瑚珠
璣璫紀瑾瑾瓊瑤瑾玟

暫振宣城鐸

教諭還櫻舞

王公指

枳棲淳安簿

程公淳閒吟草

堂詩

選拔貢生築別業名怡
讀其中著有怡雲草

甲兵藏武庫

司出納慎務

有司朔公庫大使

其餘亦俊賢慈明獨軼儕

江世祖璫公
仁和令

號雲圃正德辛未進士擢浙江行取御史嘉靖中巡按川陝

矯矯直指公

隴蜀政教

五十一世祖
施鳳毛固自有雁塔名重題五十一世祖
佑公號偉齋

嘉靖乙未

進士授兵部主事
中擢河南參政

郎官應列宿宣化布洛

伊開倉賑

流亡凶歲民忘飢焚香自退食咏嘯何愉

怡公
暇焚

在豫遇旱禱卹有方民免流散
香吟咏著有澄源集退食軒草清風高月

嶺萬古殘陽低

珊瑚佑二公俱葬縣西月嶺口月嶺殘陽松邑八景之一也

爲繼門戶嗟中衰

自偉齊公後疊逢喪亂禋祀幾斬相傳松亭公塋爲庸師所壞掘有

紅鶴白

龜之異

婦公宦晉安跋跋遠相依玉樓長吉召清言

叔寶底

五十五世祖應宿公號晴湖邑庠生外舅毛公官廣西南甯府同知召公就婚卒於任所

年二十四遺嬰屬襁褓啼笑不能悲

五十六世祖大謨公號桂園時甫三齡

柏舟矢清節旅櫬厯險嶮經聲懾五夜繡佛持長齋

貌孤幸成立遺址荒經臺

桂園公母自粵抉柩歸葬卽築臺墓側持齋誦普門

品日夕不倦今畫荻秉慈訓棄金鉤獨揮

桂園公崇其地名經臺堰後築循陔書屋讀書其中嘗授徒劉氏幼子凱於池畔見藏鐘盈甕公呼主人取之海宇忽

分裂烽火燃劫灰負奇未得展遭亂臨多歧避地趨

異縣羈魂滯湖隈孤墳杳何方莽莽荆榛埋

明季公避兵至

石首卒葬六湖山小址湖邊兵賊無定遂失墳所在弱子珍雛鳳橫剝逼狂鴟

崎嶇金馬閒追逐悲流離

順治二年甫十二歲被兵掠至雲南有楊姓兵

詢知公孤苦贅爲婿皇天厭禍亂光華旦重熙流氓

復舊業偃伯林瘡痍六詔阻聲教黔楚鳴征鼙

時吳逆鎮

滇矯首滇池望荆襄邈淒迷宗祀痛欲斬一縷懸蟲

絲家室縱可棄若教其餕而杜宇哭寒食墳墓宅狐

狸孤身辱秦贊日夜潛悲哀蟾鳥東西換流光暗裏

催响咽巢幕忽忽貔生貔紛紛僭竊掃坦坦皇路

開義重私恩割側足遂東回閒關邛僰表蟾魄盈復

虧到鄉語音異繞郭人民非峩峩金羊山松竹遠依
稀其時覬強族傾奪謀羣魑

天玉公久不歸族人既謂已死謀分其產

穫原上稻還烹井邊葵距宅鼾臥榻負耒耕藥畦所

志競貲產昏旦互喧逐賴有忠義士堅忍獨力持宗

進踞宅中義士楊欽甫堅拒之謂主人子幼有識世代忠厚必不絕祀百計誘脅不爲動日夜號呼若狂

號泣念主恩佯狂歎糟醕天道福善類生還當有期

是夕聞剝啄狂呼啟荆扉乍見遽相慟詢答轉致疑

其夕夜欲半楊聞扣門聲遽躍起呼曰吾主人歸矣族人共宿者咸署其妄此開戶果公歸也昔去

未成童今來霜染髭誰信廿七載萬里眞來歸順治

被掠康熙入我昔日堂褰我幼時帷鋤我栽花圃坐十年乃歸

我釣魚磯滄桑幾變更廬舍全茅茨大義存僕隸足

使澆風移年命易消歇彭殤理難齊

歸家十七載卒

七傳矜

贊子

吾家自信字公以降七世單傳屢世繼孀嫠桂園公母毛高祖

教督躬嚴率切望憐孤兒易簣諱告誠拈毫垂良規

五十八世祖環川公教先曾祖極嚴臨沒時力疾書十要十戒以爲箴規

倜儻誇任俠豪

氣吐虹霓札洞養由矢袖揮滄海推飢鷹脫羈縱怒

馬剗背騎鶻冠集豪客鯨飲涸春醅一聞慈母訓折

節崇謙撝

先曾祖清園公邑庠生十齡失怙少好任俠縱酒鬪勇高祖母痛戒之遂折節讀書

信徵季布諾難貴魯連排

方正端嚴鄉里推服傾囊濟困窮卜

地埋骼骨

濟困扶危施棺掩骼敦族建祖廟於紙市捐祠堂振古新

神祠重修飛仙觀郭廉孝益自勉徵薦甘固辭

乾隆三年

戊午有司以孝廉方正薦不就方伯安國特贈聯額雖引陳蕃重曾無澹臺私

守令下車燕山五桂樹枝臨風吹先祖兄弟五人爭相器重

永鎮永泰蘊華含秋馥遑闌春物菲雨露之濡染同永盛永宦

根有榮萎誰謂對皓月不若曝晴曠吾祖鄉里善惇

慈與時宜滌渝慕石建戲彩娛老萊

先祖事曾祖母耶孺人極顧每

取衣衫澣濯或勸付之僕婢公不可曰他人倘生厭惡便非敬親之意

卓爾拔流俗穆然重倫彝雅量容醉騁情怒消陰霾

有無賴登門罵家人欲毆之先

祖日彼醉無知醒自去耳竟閉戶明日其入暴卒於是咸服公之雅量免禍也

餚餉同耘耔所悲子荆悼惡夢驚日炊鵠絃絕何續

薤露朝已晞隱帳歸泉路兒女號空幃

先祖母王孺人中年溘逝

時先嚴纔十二歲姑母五齡耳哀哉吾先子弱齡失覆慈惠問賢趙

母撫愛躬提攜

繼祖母趙孺人撫育先嚴不啻已出

延譽劉陶薦績學

斷孟機東髮就外傳阿保從小奚併行目經史岐嶷

散親懷采芹甫弱冠穎脫囊中錐詩律宗韓杜文章

希馬枚苦哦心孤詣與到筆窮追負笈遊江漢題襟

華藻摛才名動公輔同輩咸驚猜

乾隆戊申先嚴從學江漢書院時姜

度香中丞咸撫楚奇日華迷五色明珠偏棄遺下第

公文親至書院獎勸

日學江漢書院時姜已酉選拔學使者吳稷堂省闈

惜劉蕡登科慙李邵

屬意先君以卷汙松邑遂無所

拔從茲困場屋坎壈壯心違投筆志遠遊千里隨攀

躋夕日窮途泣悲風巨壑來騁馬燕趙閒衡杜沅湘

涯吳越片帆渡秦隴匹馬嘶勝具濟勝情周覽勞輪

蹄先君喜遨遊歲常三四出追遠傷涙沒巖麓空棲遲奠成八公葬

園公葬石首俱失墓所先君

紅崖寨桂

屢遊黃山禮浦尋訪無蹤

具鋤返侵地松楸手培

栽

珊佑二公墓田久破侵佔乾隆己酉歲先嚴率族修復之

餘事精青鳥探討遺

經披指點烟霞際穿雲躡芒鞋精於地學慷慨起悲嘯蓬

鬢霜雪欺遠烈不可紹眷古重低徊虎豹慙後劣頻

年走京畿析薪弗克荷孤望顏忸怩先君懷志未伸

懸廟劣孤恩故望子甚切深

忠之汗下阿兄負俊名莫爲當世知旅食寄燕市

五載衣塵縑禰衡毛生刺李廣數多奇歸臥茅屋底

志銳力已疲藏書幾千卷披讀手重胝兩弟連棟萼
禮瘦萌不肥憂在謀溫飽何計布與糜諸葛稱龍虎
馬常羨白眉溺人豈必笑兀者忘廢肢浮生誤薄宦
撫躬增嘆嘻驥足猶莫騁何況駕與駘憶昔弄柔翰
誤思光門楣色動毛義檄不恥丞尉卑十歲遊吳門
奔走逐囂埃朴陋世故淺到處蒙羣嗤讀書不求解
芸窗厭憂呻吟賦就覆齧瓿詩成誚詒癡鑿井窮巒
力殫功未諳亦知昧厥舉所惜始願乖往歲驚風木
靈椿條崩摧白雲無定所香草枯南陔歸舟波渺渺
遠道寒淒淒槭槭川原樹阡阡曠若磬揭竿求大海

規規裂心脾鞠育恩莫報遠引誠何裨春夏霖雨足

畝畝親扶犁欣欣禾黍長可以潔馨粢念我先世澤

漭漭難溯洞明德當時顯達人代踵隨苕苕五千年

吾宗自神農肇慶逮今戊寅歲共歷五千四十五年葉葉未參差縞堅今弩末

攬緒實在茲葛蘿施松柏貞幹挺寒姿美擅耶壑勝

磊砢對幽棲河流不到天入海洪波噴川湧湧細澑

澄澈鑒淪漪根源各有自遙遙衆已咍雲雀岐山瑞

楚人詐山雞涇渭性豈殊所望汨其泥絕附青何韙

拜墓韜賈譏丈夫貴自立憑藉欲何爲不有公卿子

零落臣輿儻吾身苦蹉跎中年尤委蛇常恐先業墜

燭火宵光微子弟芳嬌輝妄念欲其佳未能免啼笑
略解讓棗梨安得移小草玉樹森當階後昆繩祖武
結想心低低努力嗣清塵燕翼保繁釐

白荷花

田田碧葉亂婆娑菡萏初涼暑雨過弄艇端宜逢玉
女移根只好種銀河風生野岸離塵遠露浥深宵得
月多淡薄花同人淡蕩擬將情素託微波

登松滋城

炎暑晚來歇荒城發興幽連山青入蜀漭水白分洲
三峽行雲遠重林爽氣收何如江上客放艇醉沙鷗

月嶺口拜祖墓

領越橫溪路遙遙見墓門江光翻日腳草色帶山根
風雨愁翁仲簪纓愧子孫殘碑何漫漶披讀手重捫

二

祖德慙追述飄零益自傷史傳驄馬瘦峽近夜猿長
瀟瀟溪流急離離草徑荒低回歸去晚月嶺下殘陽

中秋對月感懷

寥碧無雲萬里天閒階獨立轉悽然清秋過半逢今
夕皓月仍圓似去年失哺慈烏空繞樹含愁衰草已
如烟荒墳夜永應岑寂願徹明光照九泉

築舍

只說遷居何處遷三間老屋舊山前傾斜半不禁風
雨補葺全如闢洞天隙地樊籬畱種竹深溝導水使
通泉柴扉甕牖蕭條甚差勝牽來岸上船

垂楊垂柳一行斜人指柴桑處士家地本無多饒草
樹山非甚僻足烟霞疎簾捲夜宜新月老樹橫秋耐
晚鴉廣廈萬間空有願漫將湫隘易繁華

別故宅

金山卜宅歲年深對此徘徊思不禁去國孤臣猶戀
闕離巢小鳥更投林門閭舊染慈親淚堂構曾經老

父心最記浮蹤隔江海時時夢繞北堂陰
南榮東閣競遨嬉逐隊尋歡憶小時畫壁儘多新篆
字書帷猶揭舊抄詩於今松菊皆如客從此鷗鳬未
可期嬌女不知分舉事牽衣惟問去何之

題盧墨園繩潤詩稿後

廿年辛苦學操觚鄰有斯才我不孤池草家風慙小
謝江流古體重前盧一斑豹久窺筠管萬斛船今獲
寶珠擊節秋窗懷烈士唾壺缺盡倒金壺

逝水韶華轉眼過船唇馬足共消磨亂來支冬借
君南歸事邀遊勝日風懷健詩律中年感慨多雨暗淇園瞻菉竹

霜飛榮澤渡黃河吟情大得江山助燕市歸來醉歌

歌

和醒蕉寄懷詩

屈指經年別相思契闊深書來歸雁羽遠見故人心
有子悲溝壑無妻詠藁砧來書云仲子歎憐君多少
後荆室繼亡淚和漏夜沈沈

懷舊絕句

松滋余次卿農部

文銓

相思南北托鯨鴻十載停雲望欲空我似泉魚君子
夏秋來無淚灑西風

黃安張侍楓拔萃錫講

院體文章衆所推含經咀史信多才六堂燈火槐陰
裏照見渠儂共讀來

婺源吳醒蕉上舍友仁

酒腸俠骨嘆嶙峋琴劍飄零剩一身信道愁多天地
小茫茫何處著斯人

休甯詹棲梧布衣鳳

挺立風塵遇坎輞情鍾我輩苦吟哦玉樓天上成何
早畱得奚囊斷句多

休甯宋雲舟布衣堅

此身難得是清閒
甚欲相尋道路艱
憶對菩提西院爾
粉牌詩句寫寒山

休甯汪梅村布衣宜之

翹首東南淚已枯
當年風景半模糊
紙錢灰冷橫山腳
愁過閨門舊酒壚

休甯汪小潭布衣沅

無端兩鬢已星星
閱盡豪華眼倦青
拋得黃金買水流

水只愁誤讀種魚經

時謀養魚虎耶

海甯陳月墀茂才增

滯酒顛花了此生
多才不合是多情
迷樓易醒揚州

夢剩有吳娃說姓名

歸安鄭酉峯貳尹

祖經

年少曾經萬里遊
祁連風雪玉關秋
一行作吏江南北
歸卻元龍百尺樓

桑植向筆山貳尹

文瓊

髯也多材更有情
酒酣雄辯四筵驚
湖山何幸逢仙吏
上元丞駐來與烟霞作主盟

燕子磯

巴州成慎菴少府

其謀

川流不盡巴江血
劫火能全孝子廬
莫以無文輕絳灌
告夔稷契讀何書

教匪犯蜀君守父
極不去竟免於難

仁和嚴宗玉少府 瑞

酒鐺茶具共追歡來日艱辛亦大難棹買澄江天欲
雪綿袍獨念故人寒

監利袁漢嗣守戎在燭

豪氣渠儂大不平燕臺燃燭醉談兵馬蹄踏破黔山
月刀斗秋隨細柳營

監利楊槐軒廣文

繼煥

長途風雨怯炎天驅馬南來倦著鞭觸熱當時愁熱
客何如冷署坐寒氊

臨汾王雲泉主簿

廷錦

四海無家信此身黃金拋去買清貧誰云薄宦能爲
養愁對高堂白髮親

長沙蔡夢吾貳尹

汝弼

窮愁寂寞解相憐不學張顚笑米顚紅葉綠蕉題欲
滿中郎家法本仙傳

韶陽魏春煦少府

邦魯

學有淵源仕則優每從嘻笑寓經猷過江名士推殷
浩溫嶠甘爲第二流

歸安沈芝衫秀才

師銕

天付生花筆一枝妬君清福愛君詩朝來畫出春山

遠還寫紅閨唱和詞

修仁梁濟川少府

顯德

丹楓十月冷吳江丙夜相尋倒玉缸我醉君酣
儻笑狂歌亂拍不成腔

海甯王品蓮茂才

鈞

王郎品格似青蓮一卷新詩到處傳磊落奇才誰拔
爾秋風喟喟自年年

貴筑黃仲邠大尹

鶴

廉吏於今不可爲當時空羨後空悲黃郎已爲黃金
死只博清名載口碑

甕安傅竹莊大令

王書

滄海浮萍遇有時
蠻花狡鳥共相思
恆山識後荆山別
不道黔山更論詩

孝感屠可如方伯

之申

虛懷若谷春常滿
明鏡懸秋照不疲
小草深慙培植厚
千雲空抱後凋姿

己卯

示元森弟

汝昔初生歲予還
自黔西阿父抱汝出
呱呱甫能啼父言身
衰老養汝值暮遲
或恐霜露晞不見汝大來

謂予當汝教以汝置予懷斯言常在耳汝長今如斯
明發將遠離不克與汝偕汝宜自惕勉勿使傍人嗤
朝夕勤誦讀午暇習臨池內秉長兄誨外訓承嚴師
余光翀先生科名豈可求經史應淹該家世守儒素明德

衆所推迄予兄弟身凜乎其中微汝苟不自奮予心
曷由開予子方幼小同學與汝隨汝宜率以正如予
勗汝時父書萬卷餘汝庶能讀之慎勿自偷惰致遺
阿父悲

雨後齋中作

春風春雨逐時顚擾我閒愁醉不眠寂寞自知無用

舊緣培草長破銅錢

苔錢土名
破銅錢草

出門閏四月初十日

萍豈惡靜風波強之浮本自無根蒂於水將何尤
我昔躬稼穡忽作升斗謀浪迹十八載攘攘良自羞
今晨復整駕俯仰心煩憂戴月方出門顧瞻重遲留
園林有棲鳥驚起啼啁啾

往者歲乙亥阿耶攜我行春風吹野水小雨飛星星
慈母勉相送掩淚立中庭門前雞棲樹聞我嗚咽聲
昨日辭址壠萋萋草又青黃土亦非厚子號不一麌
彷徨望闔闔日落天冥冥

雞雛與母失嚙嚙互追尋乳燕未成羽望哺多哀音
嬌兒惜我別走送牽衣襟一女抱母肩啞啞拂釵簪
意亂語多複還顧傷我心丈夫不自立兒女意徒深
搖鞭指天涯縱轡越高岑

泊柳口

濁酒連日醉難爲離別心孤舟泊柳口徹夜啼水禽
道遠客思苦波恬湖月深攬衣不遑寐倚榜白沈吟

登沙市塔

莫遣離懷亂登高望眼明江流通蜀峽保障控南荆
晚市人爭渡荒洲草自生寄金洲天風吹太急愁聽湧

濤聲

楚莊王祠 沙市

伯述消磨盡沙津尙有祠雄風傾上國英氣憶當時
業許桓文並恩猶楚郢思溪毛吾欲薦江水渺無涯

嘉魚舟中食鱠魚

一尺銀鱗出水鮮小舟爭賣不論錢嘉魚江上輕帆
穩恰好殘陽欲酒天

江南四月味稱珍烏養思將白髮親漫說鮚魚難作
鮓於今封鮓已無人

赤壁懷古

嘉魚

橫槊臨吳氣太驕馮夷倒轉一江湖臥龍不幸生三國銅雀無緣貯二喬竟以風威成大捷應知火德未全銷何時瀉盡英雄恨遮莫奔流暮復朝

老鶴觜破舟行

嘉魚

布帆東下舟如龍纏舟駭浪雲相從飄然飛渡三百里凌虛欲到蓬萊峯使船如馬未足擬直是飛仙行御風同舟歡笑羨利涉江山指點矜豪雄世間快事不可過風正好時舟忽破當年赤壁萬橈灰此日孤舟添一箇艤底翻花湧黃泉呼天不應鬼伯和我亦倉皇拜向天肯信何人整衿坐前有荒洲烟水灣鼓

棹從之風力頑欲前不前波滿眼浮沈已在須臾間
豫章老客推篷出一手捩舵迴帆疾橫江翦浪捷於
梭彼岸徑登心猶慄自嘆平時誇靜鎮及逢倉卒多
悔客身雖未死魂已逋誰云涉險仗忠信別買輕舠
隨老漁滿船明月客愁孤破冢而出有時有淩流亂
渡無處無江邊淘河高如鬼終夜警欸聲聒耳七尺
奪回江魚腹一舟還泊老鶴背

同萬壽卿州判有子登黃鵠樓

鄂渚神仙宅登臨亦快哉渡江雲影漫倚檻客顏開
小艇衝濤上天風入座來披襟霄漢立何處笛聲哀

晚登北榭至黃鶴樓下納涼

日夕炎熇歇凌高爽氣增碧紛依檻樹紅簇賣茶燈
江月情何限雲山望不勝鶴樓樓上鶴遐畢竟誰乘

悼幼女五月二十五殤

中年無多男生女亦復佳呱呱纏錦褓憶女初生時
提挈日漸慧憑立能牽衣昔我將出門日夜向我啼
揚手如索抱側身匿母懷匍匐故相避憐惜餌芳飴
兩月滯鄂渚心情鬱不開道逢赤子戲輒復思吾兒
書來得死耗紛紛淚交揮飄零骨肉薄捫心恒自哀
不若田家子聚首余孝慈棄置勿復道走上黃鶴磯

荆山不可望慘淡悲風吹

泊沙口

江夏

歲閏鳴蟬少秋涼小雨多青山遙在望沙口晚經過報社徵絲管連村起笑也好停舟楫看一爲靜風波

舟中望西山

武昌縣

樊山連西山雙峯高入雲草樹綠巖谷鐘磬遠相聞
曩從先子遊踏石穿雲根往事隔生死悽愴難重論
歲月逝湍水滔滔東南奔征帆不肯住蘿薜無由捫
仰瞻寒溪寺秋葉碧紛紛

道士洑

衆嶺趨江干一峯扼江口江狹亂水喧山嵒巖陡
瓴建爭一門一注競東走隈波不受障崿強怒昂首
開闢勢嵯峨太古色蒼黝其陽多松竹梵宮起培塿
我舟從天來直下風濤吼風濤且勿驚盡此杯中酒

次蘄州

泛艇作壯遊阻風得奇覽兩日次蘄陽萬山供睇眄
矯如鳥奮飛怪如獸蹲噉幻如蒸雲霞秀如苗菡萏
高下各殊狀風雲互隱顯斗大一州城位置恰當險
雉堞表嶺高鯨波環城轉蘭溪溪名多芳草秋江多葭
菼空懷採擷心涉江吾何敢長嘯對雲峯紛慮何曲

遣

田家鎮

岷江橫天來到此忽無路秋山重復重不放江水去
人性自銅宗誰挽湍流住一激生一波母乃增其怒
不如暢使宣浩浩任傾注

烟水亭

九江城南甘棠湖中

湖心亭子似西冷湖外匡山列畫屏軟浪搖來秋艇
白浮嵐进入小窗青情深烟水思邀月愛繼甘棠說
景星湖舊名景星唐刺史李渤築堤衛民德之因名有宋周茂叔知南康軍冊凌月亭以望匡
廬胡政甫中改建烟水亭以奉呂仙純陽取山頭水色薄籠烟之句到此渾忘風色險

雲帆江上幾時停

琵琶亭

商婦琵琶淚溼衣潯陽風景已全非
江州司馬何人繼惟見蘆花滿路飛

從來秋士慣悲歌客子懷鄉淚自多
我是楚狂人不識欄杆獨倚涕滂沱

匡廬歌

匡廬之山高復高山山如雲干青霄橫空瀑布飛四
練萬古不斷銀潢濤匡廬之山重復重千巖萬壑摩
蒼穹層皴疊散袍褶天衣不用刀尺縫匡廬之陽

幽可廬朝朝暮暮形容殊變幻縹渺不可狀應是瓊
島仙人之所居昨日秋爽懸清暉矯首雲中興欲飛
願得腋下生雙翼上與羣仙相徘徊縱目天外窮天
涯西望太華南顧衡嶽北盼燕然如卓錐碧海茫茫
生眼底下瞰洞庭蘚澤如瓢亦如杯仰摩日月俯揷
雲霞凌虛御風撫髀咨嗟呼吸應見天門開排闥闔
趨瑤池爲問真宰混沌以前天地沙水木石人廬如
何震蕩激射鎔鑽鑿使之峩峩矗矗而爭奇乾坤畢竟
有終極十二萬年後得勿淪爲淵泉化爲塵與埃吾

生擾擾奚爲哉

湖口縣望大孤山尋石鐘故迹

彭蠡秋漲奔流急吞吐朝曦出復入湖口遙遙望大孤一塔山巔如鬼立江上乘舟舟行輕舟中看山山亦行幾時放舟石鐘下臥聽噌吰鞶聲

小孤山

彭澤

彭澤諸山太奔放突兀爭奇無稍讓一峯不耐排擠多走入江心作保障羣峯怕涉風波險欲前不前探首望孤巒上挂青天傾中川獨立羞依傍亭亭千仞天風吹懸巖四絕石梯危蒼鴟魚鷹不敢上盤旋只

繞山腰飛山上樓臺摩空起山下漠漠秋江水滄桑
陵谷幾變遷烟波萬古長如此如此烟波愁復愁片
帆東去共悠悠登臨無限遊山興不及江閒浩蕩鷗

養默山房詩藁卷十

松滋 謝元淮 默卿

蝦虎集

己卯

渡西氿至徐舍鎮晚歸

一棹凌風去層巒擁翠微丹楓明遠樹白日淡斜暉
偶爲看山出翻成盪月歸買田真有願愁與世情違

喜韋君繡至

木落雁飛急天寒雲不開正深殘歲感恰好故人來
翦燭吟新句移樽發舊醅纏綿對牀語莫聽漏聲催

喜汪湘汀 魏過訪卽送其歸黃山

歲暮生雜感朔風吹寒林之子灑然至慰我寂寥心
問子欲何往遙指黃山陰故山歸自得奈此別情深
古寺且小住濁酒聊同斟今日峭帆別何時還相尋
江天有征雁寄我空中音

謁盧忠肅公祠同君繡作

銅官山前秋草枯蝦虎城上啼寒烏烏頭欲白尾畢
逋聲聲似訴盧尚書尚書總角標英異指揮戰陣隨
兒戲墮水曾來神鬼扶叢篁踏去豺狼避一朝釋褐
侍明光衣錦歸來戀故鄉不以精神銷粉黛肯將風

骨下貂璫中原流賊正紛紛連天野火傳妖氣旗使
不遇遇卽死威名誰撼天雄軍青龍岡遠賊窮寇獮
子山高笳鼓驟人道畿南別有天直令賊竈炊無晝
三尺之劍三石弓捲甲疾走馳飈風羽書忽報滁州
急殺賊如草波流紅大功不成誰失策淮撫朱大典竟使

遊魚逃釜中涼秋八月陣雲黃西直門閉旌旗張烽
火三邊紛告警詔書十道催勤王甫任東南調西北
轉令羣兇得休息聚米圖成馬伏波屯田議奏趙充
國木葉山空木葉稀乘冰直過拂雲堆中宵霍索披
衣坐暇日從容較獵回平崗呼酒論兵法拔劍寒芒

透金甲朝疏邊事守宣雲夜策天城逃卜插一從樞

輔昌

楊嗣

首奪情救時無術水火成召對平臺堅主戰

城下恥蹈澶淵盟墨經臨戎揮血淚頽來御廢追風

驥但得孤忠明主知敢辭萬死臣躬瘁可奈浮雲蔽

太陽棲遲絕野轉蒼皇尙方不斬漢張禹隕恨真同

宋李綱軍門父老休陳計絕援遏餉由中掣五千疲

卒當

天兵一死誓報高皇帝蒿水橋頭鼓角哀千騎萬騎
如雲來諸將伏地俱股慄裂皆一叱驚風雷夜聞鼙
篥四圍起提刀上馬巡營壘分行力鬪日無光礮聲

轟裂鼓聲死短兵相接白刃揮單身陷陣穿重圍挽

轄不聽偏將請馬革真盛壯士歸男兒殉國斯正命

麻衣印徧督師印不死西市死沙場尙書早自安排

定圉人

楊陸凱

僕夫

顧憲

皆英雄生隨公戰死遮公是日

寒風沴殺氣陰雲慘淡愁蒼穹戰壘迎來辨刀鎌參

楊廷麟

家家巷祭村村哭黃巢後滅已非唐諸葛先亡

難保蜀時移事往伸公論畢竟當年有遺恨變禮徒

傷孝子心捐軀自是孤臣願我來秋老君山陽邂逅

公孫秀才盧華忠肅裔孫同慨慷把讀遺編仰天笑千年史冊

生輝光何似樞臣空誤主籲天只有孤兒傷昨夜隕

霜風淒淒寒泉嗚咽悲征輦應有英魂依茗嶺竟虛
渭隱築桃溪桃溪茗嶺幽深處過此徘徊不忍去如
此溪山大有人一樽還酌周侯墓

國山圓碑同君繡作有序

碑在荆溪西南五十里離墨山麓小山之上吳孫皓天璽元年立其形如鼓俗名圓碑高八尺圍一丈首上銳微窪石色紺碧東西廣南北狹四之一字徑二寸文起東北而南而西訖西北共四十三行行二十五字風雨剝蝕多漫滅今大略可見者三

十七行合八百餘字其文臚陳符瑞盛
功德自丞相流以下紀名者凡十四人曰
太尉璆大司徒燮大司空朝執金吾修城
門校尉歆屯騎校尉悌尚書令忠尚書昏
直晃昌國史瑩覈等僉以天道元嘿以瑞
表真今衆瑞畢至三表納貢幽荒百蠻浮
海慕化九垓八埏罔不被澤率按典繇宜
先行禪禮紀勒天命遂於吳興國山之陰
告祭刊石以對揚乾命庶報坤德副慰天
下喁喁之望焉中書東觀令史立信中郎

將臣蘇建所書按志載皓時有大石自立
侈以爲瑞遣司徒董朝封之改名國山立
石頌德以董所封故又呼董山陳壽志謂
皓遺董朝周處封禪國山今碑無處名尤
足證孝侯臣吳之誣乾隆甲寅歲吾楚唐
陶山廉訪仲冕時尹荆溪構石亭覆之勒
石以記

封禪首秦皇伐石頌荒德漢武慕神仙效尤甘自惑
東巡繼建武圖識尤粉飾妄誕豈不知聊以快胸臆
七十二代君偏錄誰曾識嗟爾歸命侯胡亦蹈往迹

炎漢丁未祀羣雄據疆域討逆人中豪揮戈殄殘賊
紫髯襲餘威肇有三分國皓也構荒淫羣訛玷貞石
厥歲在旃蒙陬訾月始魄羣臣頓首請曰沉謬瑩嚴
八埏集衆瑞四表被洪澤乾命宜對揚穹碑乃刻畫
爰命司空朝除壇披荆棘碑圍廣一丈碑高度八尺
形倣周石鼓字殊晉波磔大書了不慚玉檢藏石室
其時蜀已亡東南餘半壁危蹙不自保况復逞狂逆
木柿蔽江濤鐵鎖橫江磧破竹勢已成天塹渡飛翼
青蓋入洛陽面縛羞銜璧遂令茲山碑萬古無顏色
孝侯慎出處力學藏草澤壽史誤傳疑謂與朝同役

碑今無處名此謬須爲摘陶山楚之良好古多雅癖
一亭蔽風雨摩杪屢停策我作國山遊重爲茲石惜
倘經媧皇煉應補青天隙不然刊石經橋門垂典籍
小或爲磰罍下亦成礎碣細微苟有用猶應勝棄擲
如何鐫誣詞恬然冒淋矣伯業久荒涼谷陵還變易
嶧山與岣嶁共此一歎息茫茫千萬年寂寂望離墨

周孝侯祠

悔過何須歎已遲翻然折節遠從師沙場戎馬空陳
述故里衣冠剩古祠豈有擇君同豫讓曾聞奉母繼
姜詩孝侯，奉母隱居陽山從未仕吳見萬珠斬蛟射虎記斬蛟射虎皆餘事我

爲孤忠酌一卮

斬蛟射虎行

將軍來射南山虎木葉亂飛腥風怒彎弓一發石飲羽虎兮虎兮不如鼠將軍去斬長橋蛟魍魎走避河伯逃霹靂無聲電光死赤血夜漲長溪濤英雄那作鄉里害擲刀一笑青天高將軍之才兼文武蠻賊紛紛何足數殺賊不同殺蛟虎將軍遺恨留千古老龍潭水空復空荆南山色空濛中於今試劍山頭石寒光夜夜爲白虹

杜樊川水榭故址

築榭臨溪亦偶然疏狂誰似杜樊川青樓選夢原多
幸綠葉成陰遠可憐此地遺蹤餘水石當時勝概足
風烟名山我欲探幽去一棹難尋罨畫船

碧鮮巖懷古

祝英臺讀書處

讀書人去綺窗清寂寞巉巖對月明願作鴛鴦空有
意化爲蝴蝶最多情從來恨事歸兒女那得良緣屬
友生遙望祝陵愁貰酒華山畿畔淚同傾

祝英臺墓今名祝陵

人多善讓

送君繡回姑蘇

行行東汎渡握手意何深落拓依人計淒涼送客心

名山空有約古洞竟難尋

約遊善卷張公二洞竟不果今夜孤舟

縛天寒莫苦吟

貞松操爲周節母作

并引

予攝尉荆溪之踰月路衡北孝廉

同辰偕

周子珍黃應華來訪珍黃出其母湯孺人

節孝傳丐爲詩覽誦一過慨然歎苦節之不可泯也爲賦貞松操

鬱鬱貞松歲寒彌榮冉冉慈竹冰雪彌青維松竹之操喻母芳型

一解

免絲女蘿結爲一身中道萎折血

隕霜晨豈不思殉下累此腹中物上憂高堂親

二解

鳥呀呀將其鷄鷄待哺聲喧呼爲我謂烏且勿呼呼時驚我懷中孤三解

孤兒啼何苦

孤兒啼勿苦堂上

翁姑淚如雨

孤兒啼增酸楚

四解翁姑無兒尙有婦

孤兒無父尙有母哀彼泉下人熒熒獨何有

五解出

抱我甕入嗚我機絮我滌滌奉我庭闈有婦如此何

悲喪子爲

六解

匪嫠之艱撫孤爲難孤兒成立旣孝

且賢回顧阿母鬢毛斑四十年來心力殫

七解長跪

啟阿母兒欲上號閨陳母節旌之綽楔爲母壽令

母垂不朽

八解

母曰嘻兒何爲養親教子嫠職如斯

兒勿述往事令我心哀

九解

茹荼匪苦咀蔗匪甘青

年矢志白首怡顏萱草蔭秀蘭枝紛媯十解天報母

節俾壽而康人欽母節形管摛芳母節子孝爲邦家

之光

解十一

荆山崔嵬荆水沿洞山兮隱耀水兮潛輝

誰爲採風者聽我歌曲應徘徊

解十二

題儲紀堂孝廉

徵甲

畫溪春曉圖

在山不知春捲簾憐春早東風幾日吹已綠溪上早
輕烟藹恬波野色悅曙鳥中有淡蕩人凭欄對春曉
君看溪外山極望青未了何日共扁舟相將肆幽討

吳小亭

兆慶

邗江雪夜較書圖

雪意連雲凍芸編夜校讐坐忘寒漏永心與古人謀

修史重疑宋燃藜獨照劉琅嬈如許借吾欲夢揚州

贈俞陶泉明府

德淵

哲人綜羣才用世無畦畛朝籍金闈彥夕簡花縣尹
橐筆謝藻翰鳴琴親簿領暫戢瀛州翼翻爲斯民幸
幸君溥仁風一爲除苛猛

荆溪古陽羨僻在山水隅風土舊淳樸刁頑近頗渝
君來剗積弊反淳溯厥初懸鏡察奸慝履冰兢吏胥
片言折紛難訟庭日清虛

離墨南復南萬山相結紐中有五六人大類若耶叟
共言數月來安靜到雞狗賴我使君賢頌揚不容已

予亦慕廉潔因之勵夙守

誰云俗難化感應速草風一言發至理萬衆生歡容
盤錯利器別昔爾今亦同安得親民吏一一皆如公
願作有腳春煦育周寰中

謗謗行爲朱順孫作

順孫名裕文荆溪張渚人父早死祖母徐
年九十勤履需人裕文事之以孝稱嘉慶
二十四年十二月十二夜家不慎於火裕
文負祖母不得出與俱焚死時年二十有
一新娶方巾月也里人以狀聞爲賦此詩

譖譖出出聲何促前有啼鴉後飛鵬盲風吹折萱草
枝劫火竟炎崑山玉小人有祖母九十垂衰朽父兮
母兮嗟早喪願侍殘年康且壽幽突徙薪謀不臧疾
趨負母何蒼皇眼中見母不見火冥冥黃泉下母孫
猶得相扶將黃鵠去兮鳴聲哀古鳥弊兮心悲摧仰
首呼天天門開茗嶺之陽兮桃溪深鑿此精誠兮風
雲隕我心惝恍兮悲歌起舞而徘徊

庚辰

董應彝上舍

瑚

招同吳梅谷文學

辰

菊畦徵

士

衡章

湯漱泉秀才文緯遊南硼歸得詩

十六首

放舟

一雨喜新霽小艇泛烟潯已知山路近幽禽多好音
乘車

隱隱復甸甸雙輪前後轉愛聽詰曲聲何惜破碧蘚
蘭墅故址

亂石臥芳草小橋映流泉當時歌舞地開徧紅杜鵑

卓錫泉

卓錫湧靈泉千載鑑清冽誓不起波瀾自與濁流別

稠錫樹

川松亦非柏具此冰霜姿百尺千雲上翻思卓地時

洗腸池

峭壁瀉飛湍方池清且泚平生負熱腸聊用洗吾耳

娑羅樹

偶作招提遊未證菩提境老樹自婆娑明月照清影

壁觀精舍

乍覺登陟勞小憩忘爾汝便作如是觀面壁良自苦

憇閣

戶牖火爐霞環峯擁疊翠俯聽雲外鐘知是林閒寺

青螺閣

繞閣多青山春色在何許一樹山茶花垂紅嬌欲語

古玉蘭

玉蘭零落盡枝葉空自好不道賞花遲卻怨春去早

古紫藤

紫藤飽含花盤根附絕壁蜿蜒欲化龍遠愁風雨夕

竹徑

歸鳥帶斜陽泉聲響空谷有客尋舊遊題詩認修竹

登陽嶺

危巒四圍起樵採一徑通僧立飛鳥上人在畫屏中

陽嶺絕頂晚眺

西來離墨雨東捲具區濤欲窮望遠目不覺置身高

歸棹

行行入白雲漸迷來時路出山逢故舟回首杳烟霧

題張靄青文學

衢澈里集後兼謝其評定拙

稿

我初學爲詩雅幕杜與韓鯨魚掣碧海硬語橫空盤
此外肆涉獵攬緒昧厥端譬若羅珍味染指辨鹹酸
搦管偶竊效有似蟲號寒聽者耳欲掩冥索眉猶攢
落拓二十年馳驅力已殫妍媸不自見望古彌渺漫
思得青銅鏡清冷鑒肺肝讀君澈里集慷慨起長歎

美人在荒村哀絲中夜彈成連去海島溟渤翻狂濶
精神與古合太璞謝雕剜時習方綺麗清俊誠獨難
君山高復高飛巘青巒屹其下富松竹其上多蕙蘭
蘭蕙不可采枝枝秀晴巒願言襲餘芬慰此平生歡

答黃奕清文學

中理

芝田有介鳥不繁惡木林晨露警清唳青雲忘遠心
豈乏凌風翮戀茲溪壑深寄言蜩與鶯毋爲競凡音

二

陽和釀元氣草木媚春姿榮敷詎有心亦云順厥時
達人洞至理吟嘯發新詩臨風矚霄漢遺世誰復知

三

舉世操鉛槧誓磬互排擊自生千載後思與古人敵
古人信多疵指摘誠何益讀君澹忘詩灑然生悅懌

四

西氿欣再渡看君復看山山色不可辨聊喜承清顏
安得息塵鞅棲身山水間樽酒且共醉日夕愁獨還

重遊南澗遇雨偕吳醒蕉董應彝吳午生作

爲尋南嶽寺一棹又經過氿白東西鏡峯青大小螺
天空雲影淡林靜鳥聲和喜共同懷客相將入澗阿

二

捷足凌高閣題詩共倚欄草從春後長山愛雨中看

亂水爭飛瀑深叢釀薄寒莫愁行路滑歸棹艤河干

題李協亭封翁

重華

畫溪春泛圖

南人使船如使馬錦帆桂楫何閒雅迴波翦浪疾於
飛不數騰驤空冀野北人騎馬似乘船金羈玉勒珊瑚
鞭朝刷幽并暮涇水有如萬斛飛平川先生家在
長安市俗擅馳驅愁烟水匹馬遙從灞陵來扁舟遂
下陽羨里陽羨地僻多溪山長溪中貫兩氿環東南
奇竒尤奇絕紫藤綠樹含春烟先生意氣豪且爽興
來偶作遊山想登臨爲憚雙屐勞擬向溪頭催兩槳

荆南山水縱復橫聚之尺幅如視掌垂楊掩映五雲深身雖未到心先賞仲圭妙手工寫真

吳菊

不徒工

貌兼工神頰上添毫傳阿堵知非落拓尋常人抱膝悠然坐鶴首酡顏藹若春風生生平慷慨重然諾據鞍顧盼猶矍鑠

北闕新承

紫誥恩南邦暫入紅蓮幕

先生以令子裕堂太史貴

晉封承德郎時客陶

泉明府幕中聊憑畫手補春帆早識閒情愛邱壑憐余骯

骯困塵埃青山屢訂烟霞約嗟余遠家漢水南萍蹤漂泊輕江潭順流直送江入海艤艤習見波濤酣擁

檄臨津涉小水涓涓思窮探吳侯多藝與我好
寫圖爲仿東坡老

菊畦先爲余寫
船入荆溪圖

船入荆溪意豁然

應接如行山陰道展觀斯卷益茫茫買田當日何不
早東風三月吹啼鶯瘦紅肥綠最多情山氣空濛烟
漠漠歌聲欸乃水盈盈如此湖山不肯住一舸還向
胥江去落日方明岳山霞浮雲欲盡山亭樹卽今酷
暑觸熱愁畫溪清冷如新秋便欲從君鼓棹往痛飲
聊爲三日遊人生快意貴自適浮名薄利徒悠悠試
問五陵裘馬客何如散髮隨扁舟

留別荆溪

畫溪溪水碧盈盈不盡汪洋送我情南浦遠迷芳草
色東風吹老杜鵑聲微官半載仍爲客薄酒連朝未
解醒身世難酬人已倦算來無用是虛名

殘秋捧檄蒞君陽開偏幽蘭蕙亦芳勝地久無蛟虎
害勞人爭似燕鴻忙山名大謝宜登眺俗類南荆卽
故鄉來去飄然差自喜只餘詩債未全償

訟庭蕭寂懶排衙猶說當年宰相家未許樓臺隨劫
火尉署本前明周挹齋故宅今歲二月幾燬於火且將杯杓泛流霞多時浪
迹徒漂梗隔歲爲期已及瓜我自懷歸天惜別遠峯

重疊暮雲遮

久客江南慣別離每因佳日意遲遲千林柑橘翫蘇
帖一壑風烟小杜詩玉女銅官畱咏處朱櫻紫筍送
春時殷勤笑問庭前竹好繫甘棠去後思

萬嶺嵯峨百瀆環臨津風土最相關誰將峩茗修唐
貢久愛陶壺販蜀山釀熟祝陵仙蝶醉雪消洴浰野
鷗閒鵝籠倘共書生寄願把芸編住此閒

屏營歧路漫沈吟屈指年來感慨深妄議詩文皆慧
業喜遊山水亦貪心萍蓬靡定隨南北楊柳多愁自
古今爲語雙溪諸父老烟霞有約待重尋

留別陶泉大令

曾住瀛洲近日邊溪山何幸主高賢五官並用追劉

穆三絕多才比鄭虔爭戴使君如父母轉稱僚吏亦

神仙陶山雅化陶泉櫨共道臨津有二天

荆邑自唐
陶山廉訪

後稱神明者
明府一人耳

頻年落拓寄江東門第烏衣愧舊風薄宦不妨如畫餅浮生無計任飄蓬竟容司馬稱方外眞覺斯民在鏡中我是仲平心鐵石臨歧灑淚拜龐公

雨後同紀堂珍黃菊畦小亭暫午生

同午丙

生

同丙

遊梅園

別意兼遊興招尋趁好天流泉欲盡處山色青滿船

醉客能吹笛閒僧解種田虛堂忘酷暑煮茗不談禪

二

童冠多佳趣溪山紀勝遊竹林偕小阮桃樹識前劉
謂繆風中客棲遲海上鷗颶來同一醉流水送歸舟
寄題潘拙民茂才士淳古香山館遺藪後

回首蘇臺淚暗彈秋風送別憶河干十年契闊緣多
淺半世窮愁死尙難杯酒更添知己恨詩篇眞作古
人看貧交賴得山林友爲校遺編到夜闌

君繡梓其遺藁

黃梧厓文學

中理

偕楊蘭谷上舍

敷

黃春敷

布衣

粵榮

自徐舍來城送別集飲應彝深

柳堂賦詩贈行作此答之

毒熱阻歸計，明知意轉深。扁舟飄然至，延爽披胸襟。
昔我來荆溪，紅樹滿秋岑。今去值炎夏，鳴蜩競綠陰。
草木易榮落，感此故人心。

蕭寺等空谷，忽喜足音跕。渴雲不作雨，赤日始可中。
忘年徵夙契，遺論闢鴻蒙。授我篋中詩，展讀來清風。
行當過圮上，尋黃石蹤。時予補官下邳

流俗日以薄，古道竟難諭。二子尙氣節，師友誼獨敦。
大招悲宋玉，執業懷彭宣。遺書爲世寶，繩也今猶存。
陳春圃經著書最富，沒後無子，蘭谷春敷梓其遺書，時論多之。拔劍爲君舞，冥冥白

日昏

午橋訪遺躅猶傳射虎鄉

應彝居
午橋莊

古桂交美蔭共此

讀書堂贈我冰雪句令我興飛揚高談若醇酒一飲

盡十觴明朝臨歧路但醉勿彷徨

食梨瓜

瓜與梨爭美嘉名合並論味能兼大谷種不自青門

沁齒冰同嚥堆盤雪有痕香閨正愁絕一爲滌蠶煩

小而純潔者名
小娘丸甘脆

贈梅谷菊畦昆季卽以畱別

竹林兩逸士卓犖不可羣秋水淨無滓春風蘭蕙芬

邦彥溯漸洽並美稱機雲葆真在自勉篤實拔風塵
甘雨霽南郊草木多欣欣躋躅思過訪別緒愁紛紜
津亭一回望孤帆隱斜曛

任鑒石上舍俊以墨蘭索詩

愛君縑素寫幽芳一種風期似故鄉記得澧沅春雨
後荷鋤歸去已斜陽

蘭山山色曉蒼蒼露葉風枝各自芳近日不聞空谷
歎蛟橋如草賣連筐

贈楊彭年工製茗壺

陽羨有楊生家貧技最精世人皆逐利愛爾獨能名

敬古尊彝鼎搏沙具性情蜀山三百戶列艇載餌罟